

Ny Baiboly ho an'ny ankizy
dia manolotra



Ilay zanaka
mpanjaka
tonga
mpiandry
ondry



Nosoratan'i: Edward Hughes

Sarin'i: M. Maillot; Lazarus

Nampifanarahin'i: E. Frischbutter; Sarah S.

Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Novokarin'i: Bible for Children
www.M1914.org

©2014 Bible for Children, Inc.

Azo atao ny fandikana na fakana ity tantara ity
nefa tsy ho amin'ny fitadiavam-bola.



Indray andro i
Mosesy dia nahita
Egyptianina iray
nikapoka andevo
Hebreo.



An illustration depicting a scene from the Bible. On the left, a man representing Pharaoh stands in a white loincloth and head covering, holding a whip. In the center, a man representing Moses sits on the ground, wearing a white tunic with red wounds on his chest and arms. On the right, a man representing a Hebrew man stands in a red tunic and blue skirt, gesturing towards Moses. The background is a simple landscape with a blue sky and brown ground.

Na dia notezaina sy nobeazina
tahaka ny zanaka mpanjaka tao
an-dapan'i Farao aza i
Mosesy, dia teratany
Hebreo tahaka ilay
andevo ihany koa.

Tsapany noho
izany fa
tokony
hanampy ilay
andevo

novonoina
izy.



Nijerijery ny manodidina i Mosesy, ka raha vao hitany fa tsy nisy olona mety hahita azy, dia nitsangana nanohitra ilay lehiben'ny andevo ratsy fanahy izy. Matiny ilay Egyptianina ary nasitriny haingana toy ny tsy teo ny fatiny.



Ny ampitso, nahita Hebreo roa lahy niady i Mosesy. Nanandrana nanasaraka azy ireo izy. Ary hoy ny anankiray tamin'izy ireo taminy: "Hovonoinao tahaka ny namonoanao ilay Egyptianina koa ve aho?"



Natahotra mafy Mosesy satria hay fantatry ny olona rehetra izany ny zavatra niseho omaly. Na ny Farao koa aza nahafantatra. Voatery nandositra izy noho izany. Ka dia nandeha nialokaloka tany amin'ny tany Midiana.



Raha iny niala sasatra tsy lavitra ny fatsakana iray iny Mosesy, indreto fito mirahavavy, zanakin'ny mpisorona ao Midiana, tonga nameno ny tavin-dranony mba hampisotroana ny ondry aman'osin-drainy.



Nisy mpiandry ondry hafa teo nandroaka azy ireo.
Nahita izany i Mosesy dia niaro sy nanampy ireto
zazavavy.





"Nalaky nody
ianareo izany!" hoy
Rehoela, rain'izy
fito mirahavavy,
raha vao nahita
azy ireo. Rehefa
nohazavain'izy ireo
tamin'ny rainy ny
anton'izao, dia

hoy ny rainy taminy:
"Mandehana tadiavo
ary antsoy mankaty
izany tovolahy
izany."





Ary Mosesy
nonina tao amin'i
Rehoela, izay
antsoina ihany
koa hoe Jetrao.
Taty aoriana dia
nampakatra ny
zanaka
vavimatoan'i

Rehoela ho
vady izy.



Taty aoriana ela nodimandry
ny Faraon'i Egypta. Ireo
vahoakan'Andriamanitra
sy ny Hebreo tamin'izany
dia mbola andevo hatrany.



Mitaraina mafy ny amin'ny
jaly mahazo azy izy ireo!
Nivavaka sy niantso vonjy
tamin'Andriamanitra.



Nandre ny
fitarainany
Andriamanitra.



Tsy fantatry Mosesy fa efa nanomana azy ho fitaovana hoentina hanafaka ny andevo Hebreo Andriamanitra. Efaolo taona izay no lasa tao aorian'ny nandaozan'i Mosesy an'i Egypta. Mpiandry ny ondrin'i Rehoela rafozany no asany.


Na dia teo aza izany, nahatsiaro foana ny vahoakany any Egypta izy.



Indray andro, nahatsikaritra
lobolobo nirehitr'afo i Mosesy.
Gaga izy satria tsy levon'ilay afo
ilay lobolobo, ary dia nanapa-
kevitra ny hizaha akaiky ny
anton'izany.



Raha iny nanatona hijery iny i Mosesy,
Andriamanitra dia niantso azy avy tao anatin'ilay
roimemy ka nanao hoe: "Mosesy!" "Inty aho!" "Aza
manatona loatra!" hoy Andriamanitra. "Esory ny
kapanao fa tany masina ity toerana ity."



Ary hoy Andriamanitra taminy: "Hirahiko ho any amin'i Farao ianao, hanafaka ny oloko any Egypta." Saingy natahotra ny handeha ho any i Mosesy.



Nasehon'Andriamanitra taminy noho izany ny fahefany. Novainy ho tonga bibilava ny tehin'i Mosesy.



Rehefa noraisin'i Mosesy tamin'ny rambony ilay
bibilava dia niverina indray ho tehina toy ny teo
aloha ihany. Nanome famantarana
hafa ho azy koa
Andriamanitra.




"Apetraho eo amin'ny tratranao ny tananao!" hoy
Andriamanitra taminy. Dia notanterahany izany.
Rehefa izay, indro tonga fotsy ny tanany
ary rakotry ny
habokana.



Rehefa noesoriny teo anefa ny tanany dia niverina
tamin'ny laoniny indray.



Na izany aza mbola nanohitra an'Andriamanitra foana i Mosesy. Hoy izy tamin'Andriamanitra: "Tsy mahay miresaka aho". Tezitra mafy Andriamanitra noho izany: "Hampiasaiko i Arona rahalahinao hitondra ny teny izay holazainao aminy."



Niverina tany amin'i Jetrao
rafozany Mosesy naka ny
entany, ary nandeha tany
Egypta.



Nentin'Andriamanitra i Arona mba
hihaona amin'i Mosesy rahalahiny
any an-tendrombohitra.

Notantarain'i Mosesy
tamin'i Arona ny
tetik'Andriamanitra
hanafahana ny
vahoaka Hebreo
eo an-tanan'ny
Egyptiana.



Niaraka nitondra ny vaovao tany amin'ireo lehiben'ny Hebreo izy mirahalahy. Rehefa naneho ny famantarana tamin'ireo zokiolona i Mosesy, dia fantatr'izy ireo fa hanampy azy Andriamanitra.



Ary dia niara-nandohalika
nidera an'Andriamanitra
izy rehetra.



Tamim-pahasahiana lehibe no nandehanan'i Mosesy sy Arona nihaona tamin'i Farao.



Hoy izy ireo taminy: "Mandidy anao
Andriamanitra, Avelao handeha ny
olony."



"Tsy hamela ny Israelita handeha izany aho" hoy i Farao, raha namaly azy ireo. Tsy te-hankato an'Andriamanitra izy.



Voatery hampiasa ny fahefany
lehibe Andriamanitra mba
hampiova hevitra an'i Farao.




Ilay zanaka mpanjaka tonga mpiandry ondry
Tantaran'ny Tenin'Andriamanitra, ny Baiboly,
Tao amin'ny bokin'ny

Eksodosy 2-5

"Ny fanambaràn'ny teninao dia manazava."
Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

